

玄覽堂叢書

第九十八冊

古風堂藏書

經世急切時務

九十九籌卷之四

延陵顏季亨會通著

海虞門人

陳于陸
席士瑜

全校

選擇將帥

按兵法無必勝之兵。有必勝之將。我國家自劉杜兩帥覆歿邊無宿將。聞敵膽怯。至如叛將降虜。操戈入室。專閫擁旄。甘爲敵中。翕言之。髮豎則徒薪之。舉蓄艾之。圖匪可緩也。拊髀而思。頗牧今也。其時第國家任將之權太輕。而用將之路太狹。武科世襲。納職材官。各以薦剡爲殿。最猾者能出貴人書。又能出千金。辨且利者。借談于郡縣。交

歡于藩臬。而譽言日至。每至層累而躋崇秩。它雖有力。如
虎無所用之。嗟嗟十步之內。必有豐艸。求和璞于土壤。豈
必乏珍。惟是砒砢混玉。魚目亂珠。反使豪杰之士。不得脫
穎而出。今願命將須多。預爲之地。考先朝世爵。即侯伯亦
充參遊出征。今止懸京營漕運內缺。以待絕不任閫外之
寄。以示優崇。姑不具論。若以下職銜。何亦使以統袴。其浮
湛宜隨伍。詢訪有夙諳兵機。素饒智力者。即越次陞補。則
世爵自可得。將今兩京各省勲臣後裔。如雨如林。豈無象
賢步武。肯出死力。滅奴酋者。若而人。語稱將有將種。除世
爵外。如東李西麻土達祈魯及王杜尤蕭等族。家世曉暢。

兵事從中推選必多雋傑而死事後裔。倣羽林孤兒遺意。倍加優恤。量授若職。豈無散金養士。如灌夫等流。願爲父雪耻。則豪族自可得爵。今劉杜死難。諸臣之後。豈無以報國恩。復父讐。自矢誓者。若而人。向來武階。惟功陞一項。起自行陣。身獲首功。其人必多驍勇可用。乃寥寥數人。仍以薦格爲序。需次授職。漸迫遲暮。祇令行間短氣。何不于叙錄後。即列名推用。使得乘時殺賊自効。而所在撫道。于行間官舍。遇拔勇。鈐畧過十人。及百千萬人。遍推爲長。破格薦擢。則材武皆喜。自見軍中。亦自可得將。今豈無能文奇功。如毛文龍者。若而人。武科一途。故事專試弓馬論策。若

大力精技識古通。今足備攻擊佐勝筭者。誰則知之。此絕
不可見豪傑本色。且有鄉試既收。餉口不給。乏貲力赴會
試。坐是鬱鬱不伸。今校選後。面使吐露。曾臆一番。果其奇
抱備加賞。賚量授職。任不拘三科之例。并各置武庠。收練
衛弁子弟。及民間曉習騎射。奮力智謀。董以備驅策。則武
目尤可以多多得將。今天下全盛。此輩何啻比肩接踵。過
聖王首科。京省所選不下千人。誰不揚揚得志。自比于孫
英韓白。使各周恤而教練之。豈無足當一面者。若而人。
國初原有儒學射圃久矣。曠廢今宜各行查復。督令生監
演習。日與探討商確。定有博學通才。識時審勢。敵學萬人。

雄耻一劍之儒將。數出相應以爲今日空谷之足音。則文士亦無不可以得將。何不行督學使者于考藝之暇。召致通才奇士。或試以弓矢。或叩其韜畧。預養一二。可濟變者。若而人。方遼瀋初陷。皇榜招賢。廣蒐艸澤英雄。誰不感聖恩無量。第此一切技藝絕倫。勇力越衆之奇特。恐無因至。前忽遭按劍。故多縮頸不前。望望然掉臂而去。然使散處山塹。國家曾不得其一臂之力。終非善策。若肯實心體訪。破例題用。則草澤反可以得大將。何不行監司守令遍訪父老。求其識通今古。慮周常變。可爲一方扞敵者。若而人。其間猛悍。奮氣力可扛鼎。軍鋒之選。可將弧矢。工巧

鳴鏑無虛技藝之雄。可將占候奇中。望氣審聲。巫史之識。可將心達而儒口慧而疎。能道古典以佐視聽。帷帳之助。可將又其甚者。取下貪饕。力能殺敵。曰貪。可將奸謀射人。智足勝賊。曰詐。可將。如果有彪虎異姿。雄才大俠。當倣古命將法。或釋自纍囚。或起自羣盜。不妨脫械從軍。聽其立功。自贖曰刑餘。可將。要之欲得真將。先收將望。如維揚世將。顧大猷。老將程鵬起。生也。雖素未習其人。顧聞海內異人。勇士多出其門。至今藉之舉火者。數百家。得之以立功起家者。更種相接。誠各崇禮而採訪之。將隨地隨伍。又何渠不可以得將也。倘仍前以刻舟求劍。膠柱鼓瑟之見求。

將則將之得不得非生所敢知也

...

...

...

...

...

...

...

...

...

...

揣摩兵法

問○兵○有○法○乎○曰○有○然○非○古○來○之○陳○說○可○做○腹○中○之○經○筭○可○
憑○也○兵○法○可○言○乎○曰○可○然○非○鱗○之○片○甲○可○以○附○會○而○鳳○之○
寸○羽○可○以○株○守○也○兵○也○者○兩○設○而○互○敵○者○也○必○知○之○然○後○
能○待○之○必○待○之○然○後○能○勝○之○法○曰○知○彼○知○已○百○戰○百○勝○言○
貴○知○也○以○近○待○遠○以○佚○待○勞○以○飽○待○飢○言○貴○待○也○避○實○擊○
虛○變○主○為○客○言○貴○勝○也○近○建○酋○入○寇○破○我○廣○寧○我○軍○遇○之○
輒○靡○屯○之○輒○解○無○他○虜○兵○與○法○合○我○兵○與○法○乖○也○虜○合○法○
謂○何○彼○雖○千○里○趨○戰○于○法○為○遠○乃○絕○澗○踰○垣○遂○有○其○險○則○
奪○我○之○近○經○涉○川○谷○日○夜○兼○馳○于○法○為○勞○乃○旣○入○塞○結○營○

九十九
如堵。晝掠夜歸。我軍救東則擊西。救左則擊右。是奪我之
佚。不持糧不載芻。于法爲飢。乃一入其地。即食其有。困圍
我軍。餉道轉絕。則奪我之飽。我乘法謂何。頽垣壞壁。延敵
而入。不可謂待遠。戍卒候望。力弱氣惰。又不番休。不可謂
待勞。月廩冬衣。踰時不給。不可謂待飢。而主客虛實。又惘
惘然。不知彼已之通變。豈其專事方畧。不學古兵法歟。何
廢法而兵亦置于無用也。謂非不知法。而并不知所以法
法者歟。昔王剪之取荊也。度非六十萬人不可。而馬援之
擊先零。祇步兵三千之用。何故。法在治衆寡也。晉桓溫伐
李勢不利。將退。軍中誤鳴進鼓。克之。而世祖伐元兇。邵戰

不利。適邵將曾秀誤鳴退鼓。亦克之。何故。法在節進退也。
李晟錦裘繡帽。以見軍前。而馮異之奏捷嶠底。令士卒變
服。與赤眉同。何故。法在善韜耀也。狄青擊儂智高。日行不
過一驛。而吳玠入援。晝夜馳三百里。何故。法在調緩急也。
韓世忠下令軍中。面不波數矢者。斬。而曹彬南伐。李煜戒
勿妄殺一人。何故。法在制死生也。若乃法之用與不用。殊
也。魏元忠上封事曰。選將當以智畧爲本。勇力爲末。而岳
武之對宗澤曰。運用之妙。在乎一心。是何法之變。習乃爾。
是非有法。法者存必不及此。雖然。今之講兵法者。亦不少。
至成功則十不得一。殆有故焉。機有所難窺。變有所難圖。

時有所難矯。勢有所難移。或以敢任而坐。或以周謀
而自炫智。或以革蠹而誣亂法。或以振惰而誚苛衆。此又
有撓法者。乘之而兵法益不可言也。是有望于兵不遥制
而不泥古法者。

慎用間諜

兵法先正而後奇。先仁義而後詭譎。間諜者正用兵之詭道。而藉以出奇無窮者也。孫子曰。三軍之事。莫親于間。而李衛公以用間爲下策。何也。爲不善用間者。言也。請就孫子之意而申之。夫鄉間。內間。友間。皆以敵間敵也。而不可偏用。生間。死間。皆以我間敵也。而不可輕用。失于內而得于鄉。鄉不入也。失于反而得于內。內不投也。有因鄉以間內。內因內以間主者。間與間相乘也。有鄉間行而內不知。內間行而鄉不知者。間與間相冒也。有彼以間來而吾已得間于其鄉內者。其反間易知。不必其反者而已。間也有彼。

不以間來而吾即寓間于其鄉內者其反間難知而併不
必其鄉與內之爲吾間也。三間之人在外而用在我也無
鄉間內間而獨恃生間恐彼以反間愚我也無反間而獨
恃死間恐彼以生間窺我也吾有生間則彼應有反間吾
先以鄉間內間防之吾有死間則彼應有生間吾先以反
間待之且勵生間即反間而必不爲彼之反間即無鄉間
內間可也策死間以生間而必不爲彼之鄉間內間即無
反間可也二間之人在我而用在外也如是而後可使敵
爲間用如是而後可使敵之間爲我用法曰五間俱起莫
知其道惟俱起而後莫知其道也又曰微哉微哉無所不

用間惟無不用而後謂之間也。昔鄭武公以子妻胡，關大夫謀伐之，亟誅之，曰：「胡，吾兄弟國也。」胡不備，鄭取胡。此于女生間也。于闐死，間也。聲言兄弟國反，間也。非三間相因，間不深也。酈生說齊歸漢，而韓信因齊無備，襲之。齊烹酈生。唐儉遣入突厥，與可汗結和親，靖乘其弛而擊之。儉死，此愚生間爲歿間也。鴻門之會，項莊起舞，蔽高帝。陳平宣言亞夫欲反，而項間者至，則佯禮爲亞夫使，以疑之。楚歌聞而項王墮，此于項莊內間也。對使者反間也。聲言亞夫叛與四面皆楚歌，鄉間也。非三間具備，間不神也。即我明興間諜之用，頗亦盡善。先臣戴夢桂嘗曰：「所獲賊間，勿